

ՊԱՏԿԵՐ Ս. ԱՍՏՈՒԱՅԱԾՆԻ

Եւ կայր Սա Մարքոյին ձախ դիհն պատ-
կեր մի սքանչելագործ որ հանապազ երթ
եւ եկք որ անցանէին՝ խոնարհեալ երկիր
ծուներ կրկնէին եւ զգտակնին ի վեր առ-
նուին: Եւ ասին մեզ, թէ սքանչելագործ ²⁹⁵
է, զի թէ ոք գնայ ծովով կամ ցամաքով, եւ
յամէ, եւ ընտանիքն չի գիտենան՝ մեռա՞ծ է
թէ կենդանի, այն պատկերին առջեւն մոմ վա-
ռեն Սրբուհոյն. եթէ անցնի եւ չիջանի, գի-
տացիր որ մեռած է, եւ թէ չի չիջանի, թէ- ³⁰⁰
պէտ սաստիկ հողմ լինի, կենդանի է. փա՛ռք
Աստուծոյ:

ԲԱՅԹԱԼ

Եւ կայ մօյտան մի մեծ՝ Բայթալ կոչի,
է ի մէջ քաղքին, ուր ազնիւ եւ մեծագին չու-
խանին ծախվի, սկառլաթ, Կ. չլայ, Հ. չլա, ³⁰⁵
ձ. չլա, քարզիայ, Փալանտուշ, եւ այլն. եւ
ասին թէ օրն հազար բեռ չուխի կու կապվի:

Եւ կայր այս Ռայթալն զարմանալի կա-
մուրջ յոյժ բարձր, իբրեւ զաշտարակ, իբր
Եալընկզկօզն Սայսարու, այնպէս որ մեծ կէ- ³¹⁰
մով ելքէնիքո՞վն կ'անցնին. բայց վերեւն
փայտէ քօրբու կայ, զայն վերցնեն, որ տի-
րաքին ծայրն չի գիտի:

Եւ կայր տասներկու համալ, որ տարին
տասներկու ամիս ամէն ի թիր միշտ քեսայիւք ³¹⁵
կարմիր ոսկի սաֆի կու կրեն տառապխա-
նէն: Եւ տեսաք խանութ մի ձկան աղուայ,
երկու մարդապօյ երկայն եւ հաստ: